



Broj: 11-16-6-348-23/26
Sarajevo, 29.4.2026. godine

Na osnovu člana 64. stav (1) tačka a), člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14, 59/22 i 50/24), člana 8., stav 2., tačka c) Pravilnika o uspostavljanju i radu komisije za nabavke („Sl. glasnik BiH“, broj 103/14 i 49/23) i člana 6. Odluke o organizaciji Sekretarijata Predsjedništva BiH, broj: 01-50-1-1497-44/13 od 8.5.2013. godine (Službeni glasnik BiH broj: 41/13), a na Preporuku Komisije za javne nabavke broj: 11-16-6-348-22/26 od 29.4.2026. godine, generalni sekretar, **donosi**:

ODLUKU

o stavljanje van snage Odluke broj: 11-16-6-348-17/26 od 14.4.2026. godine i izboru drugorangiranog ponuđača u postupku nabavke usluge osiguranje od autoodgovornosti i autonezgode sa zelenim kartonom i puno kasko-osiguranje motornih vozila bez franšize, sa uključenim rizikom od krađe, zaključivanjem okvirnog sporazuma sa jednim ponuđačem, na period od 12 (dvanaest) mjeseci za potrebe Predsjedništva Bosne i Hercegovine

Član 1.

Stavlja se van snage Odluka o izboru najpovoljnijeg ponuđača za usluge osiguranje od autoodgovornosti i autonezgode sa zelenim kartonom i puno kasko-osiguranje motornih vozila bez franšize, sa uključenim rizikom od krađe, zaključivanjem okvirnog sporazuma sa jednim ponuđačem, na period od 12 (dvanaest) mjeseci za potrebe Predsjedništva Bosne i Hercegovine broj: 11-16-6-348-17/26 od 14.4.2026. godine.

Član 2.

Prihvata se preporuka Komisije za javne nabavke broj: 11-16-6-348-22/26 od 29.4.2026.godine, te se okvirni sporazum za usluge osiguranje od autoodgovornosti i autonezgode sa zelenim kartonom i puno kasko-osiguranje motornih vozila bez franšize, sa uključenim rizikom od krađe za potrebe Predsjedništva BiH, ***odjeljuje ponuđaču EUROHERC OSIGURANJE d.d. Sarajevo***, koji je dostavio ponuda broj: 26303502 od 5.3.2026.godine, sa ponuđenom cijenom u iznosu 42.781,80 KM i rokom naplate štete - 1 radni dan, kao drugorangiranom ponuđaču.

Član 3.

Prijedlog okvirnog sporazuma dostavit će se na potpis izabranom ponuđaču ***EUROHERC OSIGURANJE d.d. Sarajevo***, u skladu sa Zakonom o javnim nabavkama BiH.

Član 4.

Za izvršenje ove odluke zadužuje se i ovlašćuje Odjel za javne nabavke i logistiku, Odjel za transport i Odjel za ekonomsko finansijske poslove.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Član 6.

Ova odluka objavit će se na web-stranici www.predsjednistvobih.ba, u skladu sa članom 70. stav (6) Zakona o javnim nabavkama.

Образложење

Postupak javne nabavke pokrenut je Odlukom o pokretanju postupka izbora najpovoljnijeg ponuđača za usluge osiguranje od autoodgovornosti i autonezgode sa zelenim kartonom i puno kasko-osiguranje motornih vozila bez franšize, sa uključenim rizikom od krađe, zaključivanjem okvirnog sporazuma sa jednim ponuđačem, na period od 12 (dvanaest) mjeseci, za potrebe Predsjedništva Bosne i Hercegovine, broj: 11-6-6-348-1/26 od 23.2.2026. godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke iznosi do 44.607,00 KM, te se okvirni sporazum zaključuje na procijenjenu vrijednost nabavke.

Obaviještenje o javnoj nabavci broj: 926-7-2-43-3-39/26 poslano je na objavu dana 23.2.2026. godine.

Tendersku dokumentaciju /izmjenu i dopunu tenderske dokumentacije preuzeli su sl. ponuđači:

- Ponuđač: MOVENTA MOTORS D.O.O.
- Ponuđač: BBS EUROPE
- Ponuđač: EKAPIJA DOO
- Ponuđač: TR CVJEČARA GRACIA. VL KORJENIĆ DAMIR
- Ponuđač: DRUŠTVO ZA OSIGURANJE "PREMIUM OSIGURANJE" A.D.
- Ponuđač: BRČKO-GAS OSIGURANJE D.D.
- Ponuđač: ASA CENTRAL OSIGURANJE D.D. SARAJEVO
- Ponuđač: UNIQA OSIGURANJE D.D. SARAJEVO
- Ponuđač: TENDERI DOO
- Ponuđač: WIENER OSIGURANJE VIG AD
- Ponuđač: EUROHERC OSIGURANJE DD
- Ponuđač: SARAJEVO-OSIGURANJE D.D. SARAJEVO
- Ponuđač: "GRAWE OSIGURANJE" D.D. SARAJEVO

Komisija za javne nabavke imenovana je Odlukom o imenovanju komisije za nabavke Predsjedništva Bosne i Hercegovine, broj: 05-16-6-2516-1/25 od 7.10.2025. godine.

Dana 14.4.2026. godine Predsjedništvo BiH kao ugovorni organ je donijelo Odluku o izboru najpovoljnijeg ponuđača broj: 11-16-6-348-17/26 kojom se okvirni sporazum dodjeljuje

ponuđaču GRAWE OSIGURANJE d.d Sarajevo, koji je dostavio ponudu broj: 2870/26 od 6.3.2026. godine.

Ugovorni organ je dana 15.4.2026. godine poslao svim ponuđačima Obavještenje o rezultatima postupka, Odluku o izboru broj: 11-16-6-348-17/26 od 14.4.2026.godine i Zapisnik o ocjeni i evaluaciji ponuda broj: 11-16-6-348-13/26 od 9.4.2026. godine.

Uvidom u Obavjesti o prijemu/uručenju/isplati/upisu pošte utvrđeno je da je ponuđač Grawe Osiguranje d.d. Sarajevo navedenu dokumentaciju zaprimio dana 16.4.2026. godine, te na povratnici utisnuo kockasti pečat na kojem je naveden naziv pravnog lica i datum prijema.

Tačkom 3.3 Tenderske dokumentacije broj: 11-16-6-348-2/26 definisano je da ponuđač koji bude odabran kao najbolji u ovom postupku javne nabavke dužan dostaviti slijedeće dokaze u svrhu dokazivanja činjenica potvrđenih u izjavi:

c) potvrde nadležne poreske uprave ili, ukoliko se radi o ponuđaču koji nije registrovan u Bosni i Hercegovini, potvrdu ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje;

d) potvrde nadležnih institucija o uredno izmirenim obavezama po osnovu direktnih i indirektnih poreza.

Dalje je navedeno da je dokaze o ispunjavanju uslova dužan dostaviti u roku od 5 (pet) dana od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od 3 (tri) mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona.

Kako je izabrani ponuđač Grawe osiguranje d.d Sarajevo zaprimio obavještenje o rezultatima postupka dana 16.4.2026. godine isti nije postupio u skladu sa tačkom 3.3 tenderske dokumentacije i nije dostavio dokaze u ostavljenom roku od 5 dana.

Postupajući shodno članu 68. stav 1. Zakona o javnim nabavkama Komisija za javne nabavke dala je preporuku generalnom sekretaru da odbaci ponudu ponuđača Grawe osiguranje d.d. Sarajevo iz razloga što nije dostavio tražene dokaze za ispunjenje uslova iz člana 45. Zakona o javnim nabavkama.

Dalje, Komisija za javne nabavke dala je preporuku u skladu sa članom 72., stavom 3., tačkom a) Zakona o javnim nabavkama BiH da se okvirni sporazum dodjeli drugorangiranom ponuđaču EUROHERC OSIGURANJE d.d. Sarajevo.

U postupku donošenja ove odluke posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjelih ponuda, u skladu sa kriterijima utvrđenim u Tenderskoj dokumentaciji.

U postupku ocjene provedenog postupka, rukovodilac institucije nije našao nepravilnosti niti propuste u radu, koji bi bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

M. P.



GENERALNI SEKRETAR

Zoran Đerić

Dostaviti:

1. GRAWE OSIGURANJE d.d. Sarajevo;
2. EUROHERC OSIGURANJE d.d. Sarajevo;
3. SARAJEVO OSIGURANJE d.d Sarajevo;
4. Odjelu za ekonomsko finansijske poslove;
5. Odjelu za javne nabavke i logistiku;
6. Komisiji za javne nabavke;
7. Zamjenicima generalnog sekretara;
8. Službi za odnose s javnošću (radi objave na web stranici);
9. Arhivi;